

皇明法傳錄嘉隆紀

皇明通紀法傳全錄嘉隆紀卷四

西湖 高汝拭 輯

同郡鍾 鑑 參

高 鼎 煒 校

沈青霞表  
飾精力具  
于余州德  
考目宜修  
錄諸紀但  
墓之不詳  
何也

辛亥嘉靖三十年正月朔上不視朝○錦衣衛經歷沈  
鍊劾嚴嵩父子奸貪十大罪繫拷訊令田保安鍊以往  
平知縣再補清豐令錦衣帥陸炳聞而賢之請吏部得  
陞為經歷至則與鈞禮終不敢以分加鍊炳與嚴氏父  
子深相結以故鍊閒從世蕃酒所世蕃喪所御客給事  
者飲非其任強灌之鍊即以灌世蕃曰吾代客酬也鍊  
從尚寶丞張遜業飲少飲輒醉醉則擊缶鳴呼踊出師

既有其氣  
左右皆為  
吐舌

二表赤壁賦已慷慨聲長嘯泣數行下至是虜關入  
塞勒幣通貢天子下其書令禮部會文武羣臣計孰  
便趙貞吉請貢不宜許而檢討毛起嘯言吾姑寬虜  
以予貢出之而後議守便趙廷叱之爭之堅而鍊復為  
申趙理刺刺不休太宰夏邦謨怪而問曰若何小吏也  
沈鍊目攝之曰大史蔡弗言故小吏言胡怪也且不曰  
主辱臣死耶太宰意不自得罷禮部持趙議上竟弗予  
貢當是時鍊氣甚壯欲力吞虜幾得以身當一面畢見  
其長乃上疏言請以萬騎護陵寢萬騎防通州餉而合  
勤王之師十餘萬鼓而薄其情歸必大勝報聞○當是

開馬市

高汝拭曰  
互市之名  
起于開元  
突厥此加  
可汗遣使  
入貢請于  
西受降城

時嚴嵩獨貴幸用事數寢抑絕事不以報事急則入賕  
居間遂免嵩日以重苞苴益廣於是鍊抗疏言相嵩父  
子翼虎鼠社悞國大計請修之以謝天下太宰阿私亾  
所異同宜從坐詔以鍊誣詆大臣自爲名廷杖之謫  
田保安

三月吏部尚書罷以李默爲吏部尚書○詔開馬市先  
虜酋俺答以去冬求貢朝議未許入春益求之數仇鸞  
雖聲言北伐實內畏虜上言請許入貢欲於宣大開設  
馬市虜馬一匹償幣若干乃密遣養子時義結俺答義  
子脫脫使俺答以貢馬互市爲請俺答利我貨幣投驛  
皇明法傳錄卷四

書於宣大總督魏祐言求通市。祐以驛書聞。上命廷臣集議。竊力主之言。永樂成化中嘗設馬市於遼東。并海西女直及朵顏三衛。今虜求開馬市。留使爲厲。糾叛示信。似宜暫行。兵部尚書趙錦議與竊同。上意未決。問相嵩。嵩以一年四次。每次用馬價十萬兩。似期密而費廣。且犬羊蹊輦無厭。將來難以阻限。惟一年兩次爲宜。上然之。議遣兵部侍郎史道主其事。○兵部員外楊繼盛疏曰。廷臣議開馬市。其不可者有十一。○曰虜辱我如是。而我與議和。忘天下大警。二曰。屢命北征。而一旦更議失天下大信。三曰。堂堂天朝。與犬羊市。損國家

例義正

駁得倒

大威四曰。彙餘威憤誓死決戰。和則灰其效用之心。五曰。將士偷安懈天下修武之志。六曰。以後私通者勾引牽連。開邊方交通之徑。七曰。國威日玩。人思效尤起百姓不靖之漸。八曰。長胡虜輕中國之心。九曰。墮胡虜狡猾之計。十曰。忘天下根本之謀。且其謬又有五。或謂外開馬市。陰脩武備。夫果欲修武。何籍於和。謬一。或謂方今缺馬。利於互市。夫和果可必。安事戰馬。况虜亦安肯以良馬市也。謬二。或謂許馬市。漸將通貢。以爲永利。不知市馬。我猶得少償其價。貢則徒手取空利矣。謬三。或謂虜既和我。當不失信。不知虜類日衆。安能盡厭其

齊史論時  
言馬市之  
開將導運  
鼠竄之欲  
以飭我內  
治即兵法  
以利動之  
之微意豈  
平明之長  
策

欲。且。小。信。亦。安。肯。守。也。謬。四。或。謂。征。討。禍。慘。互。市。費。微。  
不。知。損。威。養。寇。禍。甚。於。戰。謬。五。疏。入。帝。謂。阻。撓。邊。務。令。  
錦。衣。衛。訊。杖。貶。狄。道。典。史。

四。月。開。馬。市。於。大。同。鎮。羌。堡。俺。荅。與。子。脫。脫。等。共。易。馬。  
二。千。七。百。餘。疋。

六。月。仇。鸞。漸。跋。扈。受。諸。邊。將。賂。賄。無。厭。時。時。與。虜。私。相。  
結。所。遣。時。義。與。虜。俺。荅。義。子。脫。脫。結。為。兄。弟。朝。士。無。不。  
知。鸞。亂。政。無。敢。言。者。鸞。以。防。秋。布。遣。諸。將。乃。徵。商。大。節。  
所。部。兵。自。隸。仍。檄。大。師。防。禦。京。城。四。近。大。師。以。已。列。九。  
卿。不。當。受。鸞。節。制。且。執。奏。巡。捕。舊。不。隸。京。營。祖。宗。有。深。

天功

意不宜令鸞併之。又劾鸞包藏禍心。鸞卽跪排之。請大節論死。寔於獄。

七月中。國妖逆蕭芹。喬源。持白蓮教。出入虜地。爲妖聚黨百數。教虜以火食。屋居。侍郎史道密蹤跡之。執五十餘人。以聞。詔百方索獲。無使留虜養患。仇鸞請爲賞格。擒縛允之。○總督漕運都御史應槓。請開三里溝。以通河運。

按三里溝在淮河下流。黃河未合之上。舟由三里溝出。淮河達黃河道。更甚近。工費不多。欲除河患。無以易此。

禮部尚書徐階言。仇鸞調邊兵。分布於外。而京城列營。



即商大節  
意而從中  
淨之遇類  
再整兵與  
真之分也

仇警此請  
整秋掩已  
之勇也而  
不知挑策  
通倘

者惟京軍班軍不知此屬僅可居守未能出戰去秋虜  
薄城下真敢發一矢虜所以肆然無忌也及今不一創  
之虜患寧有既乎臣聞各處勇敢之夫有自備戰馬戎  
器赴京報效者乞取團練有功照例陞賞得旨允行  
八月仇警請討朵顏諸夷影克哈哈赤等兵部尚書趙  
錦言各夷歸附已久未必一旦盡叛其有一二反側在  
以方略祛除之而已請下總督鎮巡詳議於是侍郎何  
棟言影克哈哈赤乃朵顏夷酋一有動搖將致諸酋俱  
叛不宜復啓夷衆况朵顏犬羊也住牧此地縱有反覆  
為患尚小北虜虎狼也若使據此禍將無極如果剪除

系計

朵顏北虜窺隙勢且憑爲巢穴是檄毀藩籬延冠以自近也。上從棟議○僉酋執蕭斤等來獻詔謀於市。

時虜族市旋槍諸之則指芹等以自解其實芹與明鎮在虜皆不足爲有無而首惡喬源丘富爲虜腹心爪牙者則實然如舊云。

十月侍郎何棟擒獲朵顏叛逆哈舟兒陳通事訊鞠禮部請告謝靈壇郊廟行獻俘禮○奉祧仁宗神主升祔孝烈皇后主於太廟第九室初孝烈皇后自九嬪冊立庚子宮闈之變有翊護功上德之旣崩始謚曰孝慈易今謚一日上忽諭禮部議祧仁宗主而以孝烈主附廟禮部尚書徐階合諸大臣議房大約以女后無先祔廟

者請祀之。奉先殿時諸臣相顧莫敢發獨禮科給事楊思忠以爲然。疏上。上大怒謂階與思忠專之足矣。何諸臣爲。令再議。階不獲已乃少婉其詞以爲太廟九室皆滿。若以今上諭仁宗固在所祀。第此乃他日聖子神孫之事。而仰煩皇上身自議之。臣等愈有不安於心者。夫夏廟五。商廟七。周廟九。今更遞益之於太廟。奉先殿各增二室。而升祔孝烈。則仁宗不必祔。而孝烈亦可速祔。主難於增二廟。謂階故設難以阻之。愈怒。促更議祔仁宗。祔孝烈。所以督責該部者甚峻。階不敢再忤。竟奉旨。然天下以前議爲正焉。

十一月俺荅子脫脫等令虜人驅馬至城下計值取價共易馬二千四百餘匹事竣俺荅貢良馬九乞再市營請降勅厚資之上命賜俺荅紅錦襖衣一襲金頂會升一金束帶一脫脫紅緞虎刺等青緞各二勅史道道官頒給宜諭朝廷恩威仍令嚴勅部落勿得生事邊陲自是虜既得入貢乃以羸瘠馬多索價值弗與輒大譁大同市寇宜府宜府市寇大同甚者朝市暮寇幣未出境虜寇卽至并所得羸馬皆掠去虜日駐大同城外訊之輒以貢市爲言將士不敢拒大同三邊垣及諸營堡盡燬壞士卒不復出戍脫脫等又言富虜能以馬易段

一意戰守  
 原是正理  
 互市之舉  
 未免相顧  
 而恒  
 仇怨尤通  
 虜兵上  
 執禁之阻  
 爲行之

貧者惟有牛羊。請易米麥。道乃上言。請如虜議。不則恐其衝決。有妨大計。議久不決。兵部力言不可。上以道  
 不思處置邊備。乃爲噴奏。遂召還京。自是虜衆謂中國  
 不足信。後時時剽掠境上。巡撫李逢時乞速備之。仍宜  
 示恩威。令復約。東部落歲以六九月。通市外。不許頻入。  
 如面從心違。當嚴絕之一意。戰守本兵亦云。羈縻非策。  
 上命總督官偵探防禦。嚴通虜禁。

十二月 吏部尚書李默以推張泉謝孝儒爲巡撫。章  
 職以刑部萬鍾代之。

壬子嘉靖三十一年正月虜侵大同益數。仇鸞內不自

安乃上書請出邊正罪

三月祔王景王行冠禮○命徐階入內閣辦事

鄭王厚烷疏請 上修德講學并進居敬寤理克己存

誠四箴及演連珠十首以簡禮忘政飾非惡諫神仙士

木爲規 上手批其疏曰爾探知宗室有謗毀者故茲

效尤彼動熨細物一無賴子耳爾真今時之西伯也請

欲爲爲之○議裕軍儲時北伐議急令諸臣建議軍需

給事中劉體乾言當革冗員清冗費我朝成化時武職

已逾八萬合文職又十萬餘今邊功傳誦添設恩陞不

知凡幾元年光祿積剩不下八十萬縱供用日增從中

每歲計  
不  
平何其  
其之甚

邊事為  
遠極矣  
以功反  
以勞心

乾沒那移侵盜未悉數乞酌議著為令典。○詔仇鸞率  
師出邊禦虜馬市之開也鸞實畏虜上疏請許入開設  
馬市迨設市屢欺虜遂漸漸入寇鸞始畏禍密疏請罷  
市又請出邊正罪然鸞實無意討賊第為大言以自解  
云虜不足平及督重兵蓄縮不能戰嚴嵩以 上寵信  
之深不可問亦欲因事以暴其敗形故每言鸞不職  
上令兵部傳諭之鸞不得已偵虜衆數千住牧威寧海  
側利其數少欲襲有其功乃率各營親卒及徽裨將統  
兵萬餘夜馳二百里比曉及威寧海虜覺悉衆突出鸞  
等倉皇失走殺傷官軍一百二十六人射死馬百餘匹

野史

思義報隆  
之士每得  
之小臣所  
奸雄誤國  
之倫反出  
之大將能  
變此能

奔還中途斬獲零騎六級上疏言狀張其功伐仍賞幣  
發鸞之行邊也請以戶兵工三部侍郎從兵部主調遣  
戶部主糧餉工部主器械三侍郎各簡其屬皆隸鸞幕  
府自布科條頒碎嚴苛勸以軍法爲言諸司莫肯行者  
○禮部尚書徐階言 皇子選婚請學實惟其時因遵  
例擇吉表請冊立上問嚴嵩亦以爲言上竟不行  
四月虜把都兒辛愛原入犯遼東姚天謨力戰潰圍死  
守備王相率兵數百力戰胸首被創或阻之相曰以此  
一腔血報國恩耳後身被十餘鎗死贈都督同知磨子  
千戶



不愧

好酒  
以食  
洪國

七月虜寇薊邊，驚當出師。疽發於背，既而邊報愈急。驚  
病劇，上言與疾山師，請免陛辭，從之。然卒不能出也。  
又顧戀大將軍印，不肯納。朝臣無敢言者。兵部尚書趙  
錦抗疏，驚病不能軍。印在大將所，諸徧禪令不行。請暫  
假大將軍印，代出督師。上謂本兵不宜出，令收印。綬  
上之。命侍郎蔣應奎暫掌錦印。夜至，驚第收印。綬聞  
之大恚，憤疽益劇，遂死。驚收在上前，畫策調兵，自言靖  
邊如反掌。上亦倚爲左右手。至是不效，稍稍厭之。及  
死，上心知其好逆，未發。會驚廝養時義及侯榮、姚江  
皆冒功，授錦衣指揮等官。知驚死，事必敗，而相嵩與陸

不足以驚  
商大節楊  
守謙

朝廷待寬  
雖形而影  
實和房以  
恐嚇朝廷

炳亦素忌鷲乃給時義等曰汝禍在旦夕爲若計無如  
通虜可免義等信之遂奔出居庸關鞏華城諸處欲叛  
降虜爲關吏及邏者所獲陸炳疏聞下詔獄鞠之炳乃  
盡發營前後通虜納賄諸亂政狀上大怒令諸司會  
勘於是法司奏其謀反律當追戮乃詔暴鷲罪惡剖棺  
戮屍斬首梟示九邊妻子及時義等皆斬籍其家沒貲  
入官諸黨皆謫戍邊下詔布中外虜聞鷲死旋亦引去  
高汝扶曰鷲以口辨數當重寄凡入佩將軍印初將  
與虜將軍甲寅夏再以征蠻將軍鎮兩廣三以都  
護前將軍尾駕承天四以征夷將軍討安南五以平  
羌將軍鎮甘肅六以征西前將軍太子太保鎮大同  
七以平虜大將軍鎮樂虜入以太傅總京營或政掛印  
國朝惟宣平王朱永入佩將軍印而鷲亦然可謂叨

非庸之寵矣。然禦寇則束手無策。亂政則囑切橫生。  
上初以專任責成之心。望其委身報主之誠。而不  
虞至是也。白鶴舉無功。聖心已疑。雖然言無不從。  
亦駕馭之策。一報效耳。使少延旦夕之命。必生赴西  
市。噫。鶯不足貴也。國家養士二百年。一旦有急。竟使  
奸貪任事。於會皇之際。則相國者。亦不得辭其責也。  
八月高拱等充二王講讀官。

九月虜分哨攻山西三關三日不克尋遁○科臣凌汝志劾蔣應奎竄子繼詔名於兵籍冒首功官千戶通政使唐國相以子熙敬爲鸞家丁冒功受百戶各廷杖編籍其子行巡按收訊

十月御史王宗茂劾嵩負國大罪八併選郎葛宗附權納賄帝怒其誣詆謫縣丞○以本兵趙錦阿附化鸞南

戊邊起翁萬達為兵部尚書

學則禍中  
於國不驗

則禍止一  
身似山立

樂於言之  
驗也

韓子所謂  
外臣與內

臣字數不  
勝也

漢中字字  
可質天日

其備其過  
不備其過

十一月帝思楊繼盛馬市疏皆驗乃自典史遷知縣俄

遷南戶部主事三日遷刑部員外尋改武選司科臣

李用敬請開新膠河循副使王獻濬治舊跡報可

十二月光祿少卿馬從謙劾太監杜泰乾沒內帑萬金

泰亦証謙密語皆逮訊泰免罪謙成遣死杖下

癸丑嘉靖三十二年正月朔日食陰雨不見頃之大雪

○兵部員外楊繼盛疏嚴嵩額政誤國十罪略曰太

祖輩中書不設丞相而尚儼然丞相自居是壞祖制也

權者人主馭世之具而尚以擬旨竊美威福是好大權

逆世所以  
風聞言事  
而思發  
言其一字  
實其一字

也見。皇。上。行。政。之。善。即。令。子。世。蕃。傳。言。於。人。歸。功。於。已。是。掩。君。美。也。嵩。之。擬。旨。皆。子。世。蕃。義。子。趙。文。華。主。議。是。縱。奸。子。也。令。孫。嚴。效。忠。姜。胃。奏。捷。要。爵。是。竊。軍。功。也。逆。黨。以。貪。虐。論。革。嵩。受。三。千。金。威。迫。兵。部。薦。為。大。將。是。黨。恃。逆。也。胡。庸。添。入。嵩。戒。汝。變。勿。戰。及。皇。上。嚴。治。汝。變。猶。許。密。疏。奏。保。是。誤。軍。機。也。郎。中。徐。學。詩。以。劾。嵩。奪。官。矣。考。察。而。及。其。兄。應。豐。科。臣。厲。汝。進。以。劾。嵩。降。典。史。矣。大。計。而。復。行。削。薪。是。擅。黜。陟。也。吏。兵。選。除。以。入。賄。為。低。昂。故。將。官。多。股。削。而。士。卒。失。所。有。司。多。貪。酷。而。百。姓。流。離。是。失。人。心。也。諂。諛。欺。君。貪。污。率。下。習。俗。漸。成。牢。不。

罪五奸  
附錄前

可破是壞風俗也。然此十罪者有五奸以濟之。厚賄皇上左右。凡聖意所在皆得預知而逢迎是皇上之左右皆滿賊之間。謀奸一以趙文華爲通政。賂至必先上副封御史王宗茂劾嵩一疏。文華偕之五日方上是皇上之納言皆滿賊之鷹犬。奸二懼緹騎緝訪卽與厥衛結姻是皇上之爪牙皆滿賊之瓜葛。奸三畏臺諫有言。凡進士初選非出其門者不得爲中行推官。知縣非通賄者不得與徵取是皇上之耳目皆滿賊之奴僕。奸四慮部臣徐學詩等不能無言乃羅其有材望者結納之。鯁介者斥逐之是皇上之臣工皆滿賊。

夫人早已  
知之矣

之心廣奸五願。陛下察其奸治其罪。武召見二王使  
之面陳。重則置憲典。輕則着致仕。以全國體。上怒其  
引用二王。命鎮撫司卽訊待決。○御史喻時論嚴嵩以  
隱忍鄙儒爲無計。以依阿柔佞爲盡節。欺陛下。誤國  
是以致大患。日甚一日。乞嚴示手勅。責成面諭。實承而  
行之。庶議定而功成。繼盛之調兵部也。中夜起坐自詠  
曰。天子遇我厚矣。我何以報塞。夫人張氏從旁笑曰。公  
休矣。且歸耳。繼盛曰。何謂也。夫人曰。夫一仇讐而因公  
幾死。今相滿父子百讐也。公何以報爲休矣。且歸耳。繼  
盛霍然大悟曰。吾乃今而知所以報也。其夜卽燒燭。屬

史書尚存  
公道可辨  
君子

疏草時一鬼披髮繞旋案前啼號甚哀繼盛叱之鬼復啼草罷鬼乃不見及抵任之十二日疎成爲癸丑元日將上之會上方怒諸給事有所行遣繼盛已抵闕門矣趨出更十五日而齋齋三日乃上疏下錦衣尚授意詰繼盛何自引二王繼盛對曰非二王誰不畏嵩者且王家事寧不畏爲嵩壞耶獄具杖一百送刑部繼盛創甚至夜半始蘇獄吏畏嵩屏去藥食繼盛薙鬚手破諸腐肉血稍稍起刑部尚書何熬欲坐以詐傳訊王令自司郎史朝賓曰疏內但云二王亦知嵩惡原無親王令旨今云詐傳令旨其旨云何旣非有其事而輒懸空坐以



皇明法傳錄

嘉隆卷四

十二

此罪人臣何私而解三尺似不宜至此也遂降朝賓爲

尚書侍郎  
今安在哉

高郵判官侍郎王學益助成其罪竟坐絞繫獄司業王

祇道吳耳

材詣嵩曰外間藉藉謂楊繼盛不免公不憂萬世耶嵩

王材王世  
自應卿也

曰吾行當爲救之且卜之材曰卜之鬼乎卜之人乎夫

江西人其  
後亦受疑

人則笑卜也嵩令其子世蕃謀之胡值鄢懋卿繼盛可

累職官

留否植曰不可懋卿曰是養虎自遺患也決不可決不

應生獄吏

可嵩意遂堅方繼盛在獄獄舍甚卑又久雨蛙黾分枕

耳尚知孫

席而臥久之一吏應生當視獄別築室醫藥勞問相踵

長清聖明

繼盛以杖澹左脚短三寸叩叩叩虛然病大汗小愈已

青者反不  
如之手

特改室澤遂愈雖尚書屢禁不爲動年期滿當去去請

于尚誓力為申救且自欲具疏繼盛心感之誓曰藏予  
血三年而化碧即地下必有以報應生

遂進昆曰肅皇帝陛下稟稟先後言事皆忠  
輒之臣要以待罪狀而發盡言宜莫如忠  
抗疏豈不當上心無亦視將相如履歷者乎  
奉社稷投鼠猶忌器況前聖乎故寧失榮石  
庶朕能一時也一清人上堂而鳴族諫者  
萬家則忠懸先入之日更而明雷伏而震  
漸也夫愛在社稷而以一身富貴死而社  
得凡所矣殺其身而用其言死且不朽我思  
虛語哉

商汝試曰肅皇帝容道之主也中于推相而忠懸  
死人曰忠懸之至不幸大差夫男子一  
場用一片烈膽為社稷用一段苦心為  
頭顱如許為斧鉞用至慚矣獨恨奸相之  
聖明辨之不早可不慎諸

二月祔王景王婚

餘思至此  
特矣

三月倭寇海上王忬督兵攻於普陀山捷聞賜金帛有  
差○廷試賜陳謨等四百三人及第出身有差○海賊  
汪直糾漳廣羣盜大舉入寇連艦百餘艘蔽海而南自  
台寧嘉湖至蘇松迄淮北沿海數千里同時告警時倭  
寇中有渠魁名汪直者號五峰與毛敖號海峰葉宗滿  
號碧川及王清溪謝和皆中國人後糾漳廣盜約三千  
餘人入甯波岑港登陸四掠焚戮甚慘因入慈谿知縣  
邢東伯不知所禦携印綬走匿寇殘殺人民無笑緝紳  
被禍尤慘先是王忬在浙令各縣皆築城自固獨慈谿  
士人持不可至是始悔不城為失計東伯失守當坐死

杜槐父子  
俱烈士

以無城可守。削藉爲民。其省祭官杜槐。與其父文明。率  
兵追敗於王家園。海道劉起宗。因委防守。餘姚慈谿。定  
海三縣。未幾與賊遇於白沙。一日戰十三合。殺賊三十  
餘人。斬其一酋。槐被創遂墜馬死。文明別將兵擊賊於  
鳴鶴場。斬白眉倭帥一級。從七級。生擒二賊。倭見驚遁。  
呼爲杜將軍。旣而復追賊至奉化楓樹嶺。以兵少無繼。  
陷陣而倭愈熾矣。○總督三邊兵部尚書王以旂卒贈  
大保。謚襄敏。以旂江寧人。爲總督。開誠布信。虜不敢深  
入。前後禦虜功。首以千計。繕障塞皆堅壯。可恃。西人賴  
之。○虜寇延綏。總兵劉梅死之。寇大同。總兵郭都死之。

詔各優卹如例

五月倭寇破上海縣、燒劫縣市、知縣喻顯科逃匿、指揮武尚文、縣丞宗鰲戰死、撫標官奏令太平同知陳璋、同蘇州同知任環、統兵籌畫、璋因上禦倭十二事、撫標俱從之。○南科賀涇奏、留都根本重地、海洋密邇、鎮江京口、乃江淮咽喉、瓜埠儀真、又漕運門戶、請添總兵駐劄鎮江、待寇平而罷從之。

七月陳璋統兵、敗倭寇、斬首千餘級、餘寇出境、浮海東遁。○虜酋佟答把都兒入寇、掠靈州、廣昌等處。○命兵部侍郎楊博、兼右僉都總督、蒞遼軍務、起李默爲吏部

尚書○倭寇犯太倉州、攻城不克、分掠、有失舟倭三百人突至平湖、海寧等境、焚戮甚慘、官兵禦之皆敗、先是倭自獨山之敗、其衆東遁、江南稍寧、惟崇明南沙泊失風倭幾三百人、舟壞不能去、總兵湯克寬及僉事任環留兵守之、日久不克、至是克寬復督邵漳等兵擊之、敗績、亡卒四百餘人、賊百餘、由華亭縣滌缺登岸、流劫至木渚、金山衛等處、至是移舟泊寶山、克寬引舟師追擊、及於高家嘴、毀其舟、斬七十三級、生擒十四人、倭賊復掠大倉南沙、五月餘、官軍列艦海口、圍之數重、不能攻、軍中疾疫、乃佯棄弊舟、開壁東南隙、賊遂潰圍出、掠蘇

松、各州縣三月又掠民舟入海趨江北大掠通州如阜、海門、諸州縣、復焚掠各鹽場、餘衆有漂入青徐界者、山東遼東俱震、延撫都御史江東因上海防八事、劾罷議從之。○吏部尚書萬鏜致仕、削給事朱伯辰籍、時通政趙文華、貢緣嵩父子、擢通政使、至是郎陽都御史缺、嵩會舉文華、吏部尚書萬鏜遂以名上、伯辰跪其憑、聲援而寵賂日彰、恣貪糈而肅隅盡喪、閑散猶玷班行、臺憲何堪、命使文華奏保吏部所職、且訐鏜怨望等事、上乃出鏜、削伯辰籍、而留文華。

八月河南賊師尚韶作亂、尚韶本鹽徒、初以私販作奸、

官府累有  
姑息之心  
便長奸佞  
無亂之漸

詣山東響馬賊攻剽遠近鄰里畏之官府不能制先任  
巡撫謝存鵬苟幸無事假以保長之名歸德知府尹一  
仁復令督捕盜遂擅聽民訟肆爲威虐與王千斤等橫  
謀不軌結衆尅日舉兵郡以他事遣卒至鎮尚詔疑偵  
已故殺之以祭率衆夜薄城劫庫獄捆載去尚詔有令  
勿犯學宮勿戮生儒故守令皆匿學宮以免尚詔家多  
金姬妾既攻城柘城以賴子乘虛掠其所蓄溺其姬  
妾姬妾識其人以語尚詔遂圍柘城索之不得乃破城  
執獲磔之因掠公私帑庫復圍太康索所怨者二人縣  
官執其人縋城與之巡撫都御史楊宜檄都司尚允紹



等以宣武駐陳兵援之戰於鄆陵官兵死者相枕勢益  
猖獗至數十萬人延及宿州聲言寇鳳陽隨寇南京南  
京兵部尚書潘潢與其屬計所以禦之職方郎中阮犀  
乃廉得指揮謀勇者自提重兵於池河防禦分委將領  
於沿江策應賊無可乘遂不敢南官兵追及於五河縣  
賊分兵爲水陸營允紹環擊須臾皆破賊遂奔潰不復  
能軍指揮袁燦擊之蒙丘又復擊之至十字河斬獲其  
帥尚詔棄其軍械散其徒而遁

九月 上問嚴嵩民多無食何以嵩曰四遠饑民來京  
求食一時米價騰貴請以太倉米數萬石平價發賣

上允之復曰。我思必有斃諸途者。暴露骸骨。宜有所處。高請敕在京行五城御史。在外行撫按各督有司。查視掩埋。至糶米一節。中間或有市行鋪戶。多買轉賣。以索高價。宜敕錦衣衛訪看禁革。若又言民有身無一錢者。仍坐斃道路。請於十萬石內。以八萬石糶濟。一萬石委官運城外。每早召集餓民人給一升。上曰。朕意正是如此。今以六分出糶。四分給貧苦者。○九月虜犯山西。巡撫趙時春禦之敗績。總兵李沐與其子松死之後。贈沐少保。左都督。松指揮同知。賜諡立祠。

甲寅嘉靖三十三年正月。康妃杜氏薨。裕王母也。

穆宗登極述  
封孝恪皇后

二月南京刑部尚書顧應祥秋奏決囚比得報已踰冬  
至二日應祥竟論決科道會劾之吏部覆應祥宜以過  
誤薄罰帝令致仕監刑及郎官各奉俸

三月京城外城完各官陞賞有差

五月慧星見北斗天權星傍○改王忬爲大同巡撫以  
徐州兵備李天寵爲浙江巡撫都御史○以南京兵部  
尚書張經提督浙江福建江南軍務

七月命駙馬鄒景和內閣嚴嵩徐階李本尚書李默王  
用賓都督陸炳入直西內其侍郎程文德郭朴閔如霖

純心潔臨  
絕項玄修  
仙馬草裝  
歷四半堂  
無網耳

薛海子之  
以有便之

吳山以侍從文學撰文不直入景和以不諳玄理辭免  
俄以金幣賜玄修諸臣僧及景和景和自疏無功乞辭  
使臣洗心滌慮焚馬草聚屍之報帝怒曰和故出不  
祥語當擬怨訕律姑止革爵

九月原任吏部尚書熊浹卒○削武選郎中周冕籍  
十月虜攻薊鎮邊牆警報沓至上遣厥校往察其狀  
見楊博擬甲登陣宿止古北口垣上將士守禦甚力  
上大喜發萬金犒守牆將士總督楊博總兵周益昌各  
衣一襲○倭分掠嘉湖

乙卯嘉靖三十四年正月嚴嵩言倭寇猖獗請遣大臣

私探賊情  
托之以可

假之

海歸之何

益多

援况

之歸乎

紅環有古

名將風

惟勤戒之  
有素所以

能得士死

力

三月以楊博為兵部尚書。○任環督舟師與倭戰於南

沙野。時蔡中丞檄環討倭。付兵三百。皆新募。環屬以必

死。無旋踵不入。與家人訣。為書付之。而去。親介冑。臨陣

士無敢不從。特賊鋒銳甚。勢不敵。屢戰皆縮。賊亦不敢

肆。環敝衣芷殿。與士謀行。濡雨際昏黑。無休舍。倭草間

啗。構飲水。同勞苦。且喻勉衆士。以古義烈事。將士願與

之同生死。至是倭自吳淞出洋。七船要之。不得前。以五

百據南沙。環率衆將解道明往擊。適新倭至。甚盛。相與

守數月。以舟師與戰。敗之。斬首百餘級。

萬汝口、衣賊潛出沒、張嘗夜追之、出其前、後率夫  
佩者、悉其有失、嘗衣張衣、介馬而馳、賊不知所取、  
張嘗墮溝中、賊過之、不知、匪至、明士始得之、又遇矢  
石上、以死、悍、張亦被傷、昇之、趨水濱、梁已散、大餘  
起而追、追急、張解、張之、死焉、乃  
免、張求其首、爲流涕親視之

五月倭寇自崇明進薄蘇州府城、大掠、復自蘇州至嘉  
善縣、轉趨松江、出海、衆將俞大猷擊敗之、於吳淞所擒  
七人、斬首二十餘級、倭自是趨海鹽、復攻嘉興、衆將盧  
鏗等帥兵禦之、稍却、次日復戰於孟宗、偃伏起、殺官軍  
四百人、溺死五百人、都司周應棋等死之、賊乘勝入據  
石墩山、分兵四掠、攻嘉興城、副使陳宗綏帥兵禦却之、  
焚其舟、賊遁入乍浦、與長沙灣寇合、犯海寧、諸縣既而

潘時曾改  
于事功既  
成河為烟  
戒

雅任善道

東掠入海至崇明縣夜襲破其城知縣唐一舉死之  
八月倭寇自嘉興遠屯採洵港枋林等處進薄嘉定縣  
城募兵祭將李逢時與許國以山東兵鎗手六千人至  
與賊遇於新涇橋逢時率麾下先進取之賊退據羅店  
鎮官軍追擊之擒斬八十餘人許國恨逢時與之同事  
而先不約已乃別從間道襲賊以分逢時功追至採洵  
港乘勝深入伏起官兵大潰溺水死者千人指揮劉勇  
等死之諸軍倉卒不整國大敗事聞以南京兵部尚書  
張經嘗總督兩廣有威惠為狼土兵所戴服故以總督  
直隸浙福軍務勒令節制當天下半得以便宜從事開

賊自柘林  
 犯嘉興經  
 水陸攻之  
 大敗千石  
 塘澤賊走  
 平望命大  
 隊進擊奔  
 平望至王  
 江涇承順  
 兵出鄉湖  
 攻其前保  
 堵兵臨其  
 後共擒斬  
 一千八百  
 餘人溺死  
 者不可勝  
 紀此時太  
 華論經說  
 寇殘兵之  
 補已上表

府置募自辟參佐經亦慷慨自許然是時倭據川沙壘  
 柘林為巢新倭復至地方甚恐聞狼兵至人心稍安而  
 趙文華奉命往松江祀海乃厚犒狼兵激使進剿至漕  
 涇遇倭與戰不勝頭目鍾寅等十四人皆死於是倭知  
 狼兵不足畏復肆掠如故迨至王江涇之捷生擒斬首  
 二千有餘賊數百奔於柘林縱火焚巢駕舟二百餘艘  
 出海東逃東南用兵此稍為吐氣云○高埠逃倭自杭  
 州西掠至嚴州淳安僅六十餘人以浙兵逼急突入歙  
 縣流劫至南陵縣趙太平府時標江都御史駐太平督  
 兵禦之賊引而東犯江寧鎮守備趙指揮朱襄等率勇



士數百人出時賊已至板橋襄等急緩不知祖弼縱酒  
一遇賊盡爲所殲羣賊沿途殺人由安德鳳臺夾岡各  
門外鄉落搶掠趨秣陵關時應天府推官羅節卿指揮  
徐承宗率兵千人守關望風奔潰賊遂過關而去自南  
京出秣陵關流劫溧水溧陽趨宜興無錫至潁墅關南  
直巡撫曹邦輔慮與柘林賊合且爲大患乃親督兵備  
王崇古會集各部兵扼其東路四面蹙之隨地與戰乃  
檄召僉事董邦政指揮婁宇以沙兵助勦一戰斬首十  
九級賊始懼奔吳舍欲潛走太湖我兵覺之追及於楊  
家橋盡殲其衆此賊自紹興高埠奔竄不過六七十人

所六七十  
人橫行  
天下

邦輔之儀  
優非若近  
世掩賢以  
爲功者也

流劫枕嚴徽寧太平至犯南都經行數千至破傷無慮  
四、五、千、人、歷、八、十、餘、日、始、滅、邦、輔、以、捷、聞、歸、功、僉、事、董  
邦政時督察趙文華聞此寇且滅急趨赴之欲攘其功  
比奏則邦輔已先奏捷文華大怒遂調兵四集謂陶賊  
乃柘林餘孽胡宗憲因大言賊不足平以悅其意遂悉  
簡浙兵得四千人約邦輔以直兵會剿浙江兵分三道  
直兵分四道東西金進賊悉銳衝浙兵諸營皆潰損失  
軍士千餘人直兵亦陷賊伏中死者二百餘人賊勢益  
熾文華先恨邦輔至是乃以陶賊寇患委罪邦輔及僉  
事董邦政奏之詔下邦政與總督遠問既而刑科給

蘇以不位  
于要路而  
致之罪焉  
自此旁人  
灰心志士  
飲恨矣  
生出一事  
海不

事中孫濟言近見督察趙文華請罷巡撫曹邦輔參稱  
約與夾攻而邦輔後期及考疏內所列邦輔督副總兵  
偷大猷進剿在九月十一日浙兵次日方進則後期之  
罪不在直兵今蘇松士民交口咸稱邦輔實心任事而  
前流劫留都之倭又為邦輔所滅功績顯然違請罷斥  
文華之意殆不可曉兵科給事中張杖復言浙直官兵  
會剿陶賊倭寇屢遭陷敗諸臣奏報不實且趙文華欺  
罔大負簡命上乃申飭文華悉心秉公覘師圖效後  
趙文華既撤王江涇之捷為已有又奏言破倭於周浦  
等處聞召還京各臣奏勸功罪俱明獨僉事董邦政

文官于朝  
廷而往謝  
于私室豈  
盛世所宜  
有也

指揮婁宇二人文華惡之賞竟不及巡按直隸御史張  
雲路敦亦爲論奏不報而曹邦輔竟謫戍邊文華妬  
能陷功一至於此○遣官往四川山東開礦

四月田州土官瓦氏并孫男岑大壽大祿引兵應調總  
督張經分配總兵俞大猷等殺倭奏聞詔賞銀紵餘令  
軍門獎賞○趙文華還京誣下張經李天寵獄時以天  
寵轉巡撫張經爲提督於已有力陰望厚報而經寵以  
地方孔亟不遑往謝又見經有王江涇之捷更漢忌之  
遂誣奏逮獄經上疏自理不報

六月常熟知縣王鐵江陰縣知縣錢錕率士民禦倭死

所活數萬人皆任環生之也人以此除德乃與陰德與兒陽間武家門者同功

皇明法傳錄 嘉靖卷四 二十二  
之贈卹有加。倭寇蘇州民逃避無所號呼震野焚掠慘不可言門不敢啓擁塞蹂踐乘墜者望之而嘆攀緣上者又絕絕而下環適還自儀真曰奈何坐視之縱有覘謀我在何患身自出辟門令男女以列進且察之賊聞竊入卽縛訊駭以爲神累日所活蓋數萬人復率解明道兵出力疾戰賊退入太湖我兵用舡艇邀之乃棄所獲餌我因得逸去環以功進副使有親喪巡按以倭寇未平請留之詔曰可任事如故

十月裕王第一子生。獻囚楊繼盛時冬月繼盛三木詣朝審諸內臣士庶夾道擁視共指曰此天下義士又

三代直道  
猶在人心

二詩具見  
卷六

指其三木竊嘆曰奈何不以此裝嵩與世蕃繼盛口吟  
曰風吹枷鎖滿城香簇簇爭看員外郎豈願同聲辨義  
士可憐長板見君王聖明厚德如天地廷尉稱平過漢  
唐性僻生來歸視死此身原自不隨楊上雖論盛死  
心實器之每識輒執筆躊躇者久之卒不忍殺斯時邊  
情軍務失律者必殺不貸嵩揣知上意乃以張經李  
天寵疏覆奏附繼盛於尾上覽之謂江南釀寇遺患  
遂下旨行刑繼盛妻張氏疏言臣夫諫阻馬市預伐仇  
鸞聖旨薄誦旋因鸞敗首賜滿雪一歲四遷臣夫啣  
恩圖報謾聞市井之言尚徃書生之見安有陳說荷上  
皇明法傳誦

謂此處而  
不誤下者  
罪人也

不即加戮。俾從吏議杖後入獄。割肉二觔。斷筋二條。日  
夜龍梏。備諸苦楚。年荒家貧。臣紡績供給。兩賜奏。俱  
蒙特宥。今混入張經疏尾。奉旨處決。倘以罪不可赦。乞  
將臣梟首。以代夫命。夫生一日。必能執戈矛禦賊。雖以  
報。陛下奏入。爲尚抑不得達。遂與張經、李天寵同死  
西市。是歲論大辟囚當刑者凡百餘人。詔決九人。而經  
天寵繼盛三人與焉。由是天下惡嵩父子益甚。及遇害。  
王世貞、吳國倫、徐中行、王世懋等執手泣訣。經紀其喪。  
王遴撫之曰。若無憂身後。予有弱息。請配公次子應尾。  
繼盛謝曰。罪人之裔。何足以辱賢女。遴曰。不如此。則世

上有君臣無朋友矣。夫世廟天威嚴峻，然當其時被讎  
逆耳者，不絕於前。其極抗直，嬰觸者，稱三楊。謂大理卿  
楊最、御史楊爵、與繼盛而三。乃其受禍，惟繼盛最烈。要  
之至死不變其忠，固天植哉。

十二月，科道楊允繩、張巽言劾光祿臣胡膏乾沒帑財。  
膏訐繩等，訕上齋祀靡費。駕言劾臣。帝命允繩擬子  
罵父律，絞。與巽言同杖。言膏俱補外。○山西、陝西、河南  
同時地震，山移地裂，城郭皆陷。震壓死者數十萬。尚書  
韓邦奇、固卿、馬理、祭酒王維禎同日死焉。○以胡宗憲  
爲浙江巡撫。○按察司副使任環以破倭功，遷撫薦其



素閑經略。命統兵蘇松諸郡禦倭。會倭寇上海浙援  
迫至環與夾攻。以舉燧爲約。賊出掠歸。縱火殪之。賊奔  
追至青村。賊入保壘。計可必取。時大雨。又得乘突去。未  
幾復寇上海。攻圍急。環以輕兵三百。及僧八十人。跡之  
擊敗於五里橋。習家墳。又以兵援崑山。而身間行。抵大  
倉。則毛家葛隆諸屯。賊皆會集。傳於城三面。治攻具有  
必剪屠意。除道覘望。羣醜坐甲。斷過聲援。衝梯墜道。肉  
薄而登。環率死士。飛刃斫之。連發鏃碎其首。矢石交下。  
相殺傷甚。又總兵下突。而前漸氣奪。委棄塗地。走始  
以我易興。賊可旦夕拔。至是始畏恐。不敢緣我堞。

丙辰嘉靖三十五年正月文華自江南旋李默以盛氣折之文華劾其部選策題以漢武征伐四夷而海內虛耗唐憲功成淮蔡而晚業不終爲謗訕上怒下獄刑部尚書何釐擬子罵父律絞竟死於獄

三月顯陵宮殿成諸臣擢賞有差○以工部尚書吳鵬爲吏部尚書○廷試賜諸大綬等三百三人進士及第出身有差

四月倭寇溫州同知黃釧死之○倭寇萬餘趨浙江皂林遊擊宗禮帥兵九百人禦之於三里橋三戰三捷斬首三百餘賊首徐海等駭懼稱爲神兵會橋陷軍潰禮

等俱死。論者謂兵興以來，稱血戰第一功。已而贈禮部督同知世襲指揮食事。○復遣趙文華視師江南。先是文華歸，上疑其言之不實，每以問嵩。文華大懼，時浙中倭報甚急，巡按請遣才望大臣督師應援，嵩爲文華保全，言于上，遂得遣。

五月，方倭之寇嘉興也。阮鶚爲巡撫，而胡宗憲爲總督。鶚議主剿，而胡議主撫，兩不相能。然自嘉興轉寇桐鄉，敵氛甚銳，去來實徐海。麻葉領之陳東附焉。斯時度戎兵未聚，阮鶚在圍城中，旦夕且破。宗憲忌城一破必且虜巡撫去，愈益輕我。於是謀間徐麻，遣一善說者詣徐。

所謂曰胡公墓足下威名終當爲國保障若肯惠顧且  
有薄貺欲輸左右以示結納之意徐聞之甚喜說者還  
報宗憲業已買二美妓皆殊色絕飾佐之千黃金及綢  
幣數百純遣人從月下昇送徐海徐拜受之深感宗憲  
厚已遂無意攻城麻葉聞海受美女金幣之賜以爲有  
二心於我懼其賣已叱曰賢子乃背我耶不足與共事  
遂拔砦去以此桐鄉得不破○科臣孫濟言無悞諸臣  
事權不一久無成功本兵奏言督察主竭忠討賊覈實  
布聞總督主徵集官兵指授方略巡撫主督理軍務措  
置餉銀總兵主設法教練身親戰陣有司保安地方固

守城池。命下諸臣遵守。

○有諸生將州者謁軍門。請往說倭夷汪直使降。則夷禍不煩戰而消。宗憲是其言。且汪直與憲同鄉。乃迎其母子入枕厚撫之。檄布政司遣州往諭。既遣。始聞州持直母子書至。諭直還報島夷。欲奉命通貢。而汪直謝爲徐海所誤。願得來降。惟懼死罪不敢耳。遣養子毛臣送州回。乃令州仍往諭。且許直來降之日。與官鎮海上。焉自州之再往。入倭也。徧歷諸島。披誠勸諭。倭衆惟其言是從。而直又自分能肅清海氛。遂與其黨毛海峰葉碧川諸好人挺身同將州來杭州。洲至而直未至。人疑

其詐。遂按周斯盛請罷貢罪州。於是連州鐵州既迫陳  
諭倭始末及言直以誠來其未至必風聞耳。九月直裝  
巨舟遣突目四十人隨來泊舟定海。蓋初同舟來實以  
颶風損舟也。宗憲使人招直。直願見州。州方對理疑缺  
望不遣。遣千戶夏正質其舟。直素與正善。特質遂詣軍  
門請罪。具言其與州戮力。伏乞得靖海中自効。宗憲特  
以名禮命指揮爲其館主。給肩輿山入。復予蔬米酒肉。  
供膳。舟人日費數百金。且交質爲信。保無他故。宗憲上  
狀請赦。汪直等科臣王國禎力持不可。賊入。上謂直  
元兇不可赦。宗憲不得已乃密遣按察司收繫直等。梟

斬之

九月胡宗憲以餌誘徐海居沈庄且久議和而文華力  
主勦督兵甚嚴以書遺宗憲讓其逗兵自老遂集諸將  
兵圍之數重縱焚其廬死者甚衆後從朋屍中識徐海  
屍浙郡遂平先是宗憲以計問麻葉麻葉怨海遂別與  
陳東合部率倭攻我宗憲偵知之遂謀專誘海道前說  
客往說海曰胡公欲委心足下誠得足下陽比麻葉陳  
東示之無疑而以間圖之二人就縛則餘黨可解是足  
下以一身退數千倭衆爲中國功甚大胡公請命於朝  
赦足下罪授之安東將軍傳之後裔又有仗義之名孰

用開一法

十三篇中

以心以

平定東南  
至今事其

徐海雖惡  
已非一日  
殺戮亦不  
止一人雖  
珍誠足  
為過但既  
降矣又何  
殺焉不信  
不武誠者  
不能無議

與以寇終處安危不可知之地哉。因與立誓曰：胡公有言，負足下者如日。海念桐鄉之賜，又察說者言，非為欺者，遂慨然許諾。未久，以計擒陳東、麻葉等一百餘人，獻軍門乞降。時有欲閉城不納者，宗憲曰：「弗納示弱，亟開之。」各官以次列坐受降。海率眾露刃雨盟而入，首呼犯人徐海死罪。宗憲慰以既能擒賊，乞降前罪可宥。海故遊僧，復下堂以手摩其頂，戲之，賜中國服，與袈裟而覆以錦繡，併賞其眾。紅絹各一，俾擇所便以居。候朝命而海歛兵屯於梁庄。是時趙文華復出督兵，宗憲乃語文華曰：「賊首既擒，皆徐海之力。此其功罪相等，宜跪請宥。」



皆撫勸撫  
異言故為  
實事幸而  
中于賊不  
幸而中于  
國當事者  
不可不察  
也

海量予一官為歸義者勸。文華方欲以殺敵為功。力持不可。宗憲復曰。海親兵皆死士。且縛叛乞降者。不顧眾議而撫之。今安能驅烏合與鬪。文華曰。海率眾扶刀輒入。以窺間隙。非納降之理。况阱中之虎。豈可復縱歸山耶。宗憲爭之不得。華催原調兵六千既集。移營薄沈庄。宗憲猶心憐海。未遽議戰。文華與鶚乃移憲婦人冠屨之。憲不得已。與文華督兵攻梁庄營。海知事變。掘深塹自守。且溝柵數重。官兵皆觀望不敢入。鶚乃怒曰。若輩不知海之攻桐鄉耶。檄趨總兵俞大猷督重兵由海鹽環攻之。其地四面皆水。苦不能登。乃令諸軍囊土填河。

成路。而用火炮攻之。會大風火發。風烈。賊多焚死。城中  
分道出應。三戰皆捷。斬獲一千六百餘級。海倉卒溺水。  
引出割其首。於是其從辛五郎等皆授首矣。餘衆解散。  
十月。湖廣苗叛。總督馮岳平之。陞賞有差。

十一月。虜寇遼東塞。總兵殷尚質遊擊嚴懋官死之。贈  
卹有差。奪總督王忬俸。巡按蘇志皋落職。○獻倭俘加  
文華少保。宗憲右都御史各任一子。○迨直隸總兵俞  
大猷下錦衣衛獄。尋發沿海立功以盧鏜爲浙直總兵。  
此胡宗憲論其失事。承世蕃旨也。大猷老成持重。性沉  
默。不善滑刺。世蕃怒其不附已。故有是迨。迨至文武臣

以大猷忠勇爲國惜才。溝解勿獲。乃助金千五百兩。大猷復自假貸。合爲三千兩。以餽世蕃。遂得不死。○罷職。華冠帶。發大同立功。徽王載堦。以罪廢自殺。蓋徽之國。開封鈞州先恭王。簪殺知州。巡按御史劾之。上謂御史弘庇其屬。逮詣京。廷杖之。及王卽位。謂帝庇我乃益橫。日嗾護衛卒。撻羅士民家。眈美田園。奇異木石。輒占取之。女子端麗者。強昇入府爲官婢。不可則以予衛卒。小有過。輒箠死。或生啖虎豹。或生蓋棺中。燎焚死。痛哭聲徹道。又庇其伶人。使凌轢縉紳。又挾諸客。徼行鳳陽。留都。又素好方術士。煉女。爲鉛服之。云能延美。時有

梁散人以羽客山入王門下知上好方術乃竊王鉛走京師賣緣獻上服之喜復索鉛散人不能繼脂書求王王謂吾鉛當自獻何爲假彼市寵也乃不與散人啣之一日上從容問散人爾遊徼郡知王何似散人前卻奏曰日者猶未詣事自遊留都還則大曉暢上愕然自是疑王而州民耿安有女在王宮被箠死燬其屍安痛女非命走京師上變告王謀不軌且指其潛規留都鳳陽睥睨非望及諸罪狀下河南撫按勘覈不妄上怒命削王爵廢爲庶人禁錮鳳陽邸於是巡撫都御史潘恩等率衆圍王宮王懼命妃妾四十人俱麗粧自

經王亦經死。貨貨俱沒入官。先是王庭鍾鼓自鳴。後苑見羣羊山沒。占者知爲亡國之兆云。○時有建議薊州增設戶部侍郎督糧練兵者。嵩佯以推趙貞吉。且召之飲酒。詭曰。是行非公不可。貞吉曰。人臣之義。死生以之。復何議哉。酒半。貞吉徐曰。今欲戶部侍郎督糧督京運乎。抑民運乎。若二運已有職掌。卽部中與出薊州何異。添官徒增擾耳。况兵之不練。其過宜不在是。縱十戶侍出無益練兵也。嵩作色怒而罷。嗾其黨張益劾之。貞吉竟奪官去。